

Na osnovu člana 70. stav (3) tačka d) i člana 71. stav (3) ("Sl. novine Tuzlanskog kantona", br. 21/21-prečišćen tekst, 22/21 - autentično tumačenje, 5/22, 11/22 i 16/22) i člana 132. stav (1) i (2) Statuta JU Univerzitet u Tuzli (Prečišćeni tekst) broj: 03-5695-1-2/23 od 18.10.2023. godine, te Odluke Naučno-nastavnog vijeća Pravnog fakulteta Univerziteta u Tuzli o raspisivanju Konkursa za izbor i imenovanje dekana Pravnog fakulteta Univerziteta u Tuzli, 02/14-6731-2.1/23 od 21.11.2023. godine, raspisuje se

KONKURS za izbor i imenovanje dekana Pravnog fakulteta Univerziteta u Tuzli

I

Raspisuje se Konkurs za izbor i imenovanje dekana Pravnog fakulteta Univerziteta u Tuzli.

II

Za dekana Fakulteta može biti izabran kandidat koji ispunjava slijedeće **opće i posebne uslove**.

Opći uslovi su:

- a) da je državljanin BiH,
- b) da je zdravstveno sposoban za obavljanje poslova dekana fakulteta,
- c) da pravosnažnom odlukom suda nije osuđen za krivično djelo ili privredni prijestup, što predstavljaju smetnju za imenovanje na dužnost dekana fakulteta,
- d) da mu pravosnažnom odlukom suda nije izrečena mjera zabrane obavljanja poslova/dužnosti dekana fakulteta
- e) da se na njega ne odnosi član IX.1. Ustava BiH.

Posebni uslovi su:

- a) da je izabran u naučno-nastavno zvanje redovnog ili vanrednog profesora na Univerzitetu u Tuzli,
- b) da je u radnom odnosu u punom radnom vremenu na Univerzitetu u Tuzli, s tim da najmanje polovinu nastavne norme mora biti angažiran na Pravnom fakultetu,
- c) da aktivno govori najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan fakulteta se bira na mandatni period od 4 (četiri) godine.

Kandidat koji u toku mandata stiče uslove za penziju ne može biti izabran za dekana fakulteta.

III

Uz **prijavu** na Konkurs kandidat je dužan priložiti, u **originalu ili ovjerenomj fotokopiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH, ne starije od 6 (šest) mjeseci, u skladu sa tačkom a) općih uslova,
3. izjavu da pravosnažnom odlukom suda nije osuđen za krivično djelo ili privredni prijestup, što predstavljaju smetnju za imenovanje na dužnost dekana fakulteta, ovjerenu od strane nadležnog organa ili notara, u skladu sa tačkom c) općih uslova,
4. izjavu da mu pravosnažnom odlukom suda nije izrečena mjera zabrane obavljanja poslova/dužnosti dekana fakulteta, ovjerenu od strane nadležnog organa ili notara, u skladu sa tačkom d) općih uslova,
5. izjavu da se na njega ne odnosi član IX.1. Ustava BiH, ovjerenu od strane nadležnog organa ili notara, u skladu sa tačkom e) općih uslova,
6. odluku o izboru u naučno-nastavno zvanje redovnog ili vanrednog profesora na Univerzitetu u Tuzli, u skladu sa tačkom a) posebnih uslova,
7. uvjerenje da je u radnom odnosu u punom radnom vremenu na Univerzitetu u Tuzli i da je najmanje polovinu nastavne norme angažiran na Pravnom fakultetu, u skladu sa tačkom b) posebnih uslova,
8. dokaz da aktivno govori najmanje jedan svjetski jezik, u skladu sa tačkom c) posebnih uslova, (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije koja je povezana sa političkom partijom, ovjerenu od strane nadležnog organa ili notara, u skladu sa tačkom d) posebnih uslova,

10. izjavu da nema privatni finansijski interes na Univerzitetu u Tuzli, ovjerenu od strane nadležnog organa ili notara, u skladu sa tačkom e) posebnih uslova.

Izjave iz tačke III podtačke 3, 4, 5, 9 i 10 moraju biti ovjerene kod nadležnog općinskog/gradskog organa ili notara, a ostali dokazi iz tačke III moraju biti u originalu ili u fotokopiji ovjerenoj kod nadležnog općinskog/gradskog organa ili notara.

Dokaz o ispunjavanju uslova iz tačke II podtačka b) Općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je naknadno dostaviti samo kandidat koji bude izabran na navedenu funkciju, a prije zaključivanja ugovora o radu/aneksa ugovora o radu.

IV

Kandidat za dekana Fakulteta dužan je, uz prijavu na Konkurs dostaviti i **Program rada i razvoja Fakulteta za mandatni period**, u pisanoj i elektronskoj verziji (CD ili USB).

V

Prijava, sa svim potrebnim dokazima, dostavlja se u roku od 15 (petnaest) dana od dana objavljivanja Konkursa u dnevnom listu.

Nepotpune i neblagovremene prijave se neće uzeti u razmatranje.

VI

Informacije o djelokrugu rada dekana fakulteta dostupne su na WEB stranici Univerziteta u Tuzli - www.untz.ba (akti/dokumenti - Statut; Pravilnik o unutrašnjoj organizaciji i sistematizaciji).

VII

Prijava na Konkurs s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija - uz naznaku "Prijava na Konkurs za izbor i imenovanje dekana Pravnog fakulteta", Ul. Dr. Tihomila Markovića broj 1, 75000 Tuzla.